

**Kreso dr Sead, redovni profesor, oblast Finansije
Ekonomski fakultet Univerziteta u Sarajevu**

Sarajevo, 04. 06. 2021. godine

**Šain dr Željko, redovni profesor, oblast Finansije
Ekonomski fakultet Univerziteta u Sarajevu**

**Šoškić dr Dejan, redovni profesor, oblast Finansije
Ekonomski fakultet Univerziteta u Beogradu**

VIJEĆU EKONOMSKOG FAKULTETA UNIVERZITETA U SARAJEVU

Na osnovu člana 106. Zakona o visokom obrazovanju („Službene novine Kantona Sarajevo“, broj: 33/17), člana 104., 190. i 205. Statuta Univerziteta u Sarajevu, Odluke Vijeća Ekonomskog fakulteta u Sarajevu od 09. 02. 2021. godine i Odluke Senata Univerziteta u Sarajevu broj: 01-2-45/21 od 24. 02. 2021. godine, Rješenja Dekana broj 02-2006/2021 od 11. 05. 2021. godine imenovani smo za članove Komisije za pripremu prijedloga i izvještaja o izboru jednog nastavnika u zvanju redovni profesor, puno radno vrijeme, na oblast „Finansije.“ Na konkurs za zvanje redovni profesor, koji je objavljen 01.04.2021. godine u dnevnom listu „Dnevni Avaz“ i na web-stranici Ekonomskog fakulteta Univerziteta u Sarajevu prijavio se jedan kandidat: prof. dr. Kemal Kozarić.

Prema Potvrdi Službe za pravne i personalne poslove broj 07-6-1763/21 od 19. 04. 2021. godine prijava sa priložima kandidata dr. Kemala Kozarića je blagovremena i potpuna (uredna) sa uslovima utvrđenim konkursom od 01.04.2021. godine.

Na osnovu pregleda prijave i priložene dokumentacije, ocjene naučno-istraživačkih radova, pedagoške i profesionalne aktivnosti prijavljenog kandidata, Komisija podnosi Vijeću Ekonomskog fakulteta Univerziteta u Sarajevu sljedeći

I Z V J E Š T A J.

Na raspisani Konkurs za izbor jednog nastavnika na užu naučnu oblast Finansije prijavio se jedan kandidat: prof. dr. Kemal Kozarić. Kandidat je dostavio urednu dokumentaciju i priložio neophodne dokumente. Nakon pregleda dokumentacije i obavljenih neophodnih procedura u tekstu Izvještaja iznosimo najznačajnije informacije koje su poslužile kao osnova za prijedlog koji Komisija upućuje Vijeću Fakulteta.

1. BIOGRAFSKI PODACI

Kandidat prof. dr. Kemal Kozarić rođen je 13. oktobra 1956. godine u Sarajevu, u Bosni i Hercegovini, gdje je završio osnovno i srednjoškolsko obrazovanje. Diplomirao je na Ekonomskom fakultetu, smjer marketing u Sarajevu 1981. godine. Na istom fakultetu je odbranio doktorsku disertaciju na temu „Uticaj kreditnog rasta na ekonomski razvoj zemalja u tranziciji“ i time stekao akademsku titulu doktora nauka.

Po završetku studija radio je 15 godina u bankarstvu, od 1996. do početka 2000.godine bio je ministar finansija u Vladi Kantona Sarajevo, nakon toga imenovan je za viceguvernera Centralne banke Bosne i Hercegovine. Na osnovu Odluke Predsjedništva BiH od 20. maja 2003. godine, imenovan je za člana Upravnog odbora CBBiH uz nastavak obavljanja dužnosti viceguvernera CBBiH. Od 1. januara 2005. godine preuzeo je dužnosti guvernera Centralne banke Bosne i Hercegovine i predsjedavajućeg Upravnog odbora CBBiH. Za drugi mandat člana Upravnog odbora CBBiH imenovalo ga je Predsjedništvo Bosne i Hercegovine 10. jula 2009. godine, a Upravni

odbor CBBiH ga je imenovao za guvernera Centralne banke Bosne i Hercegovine u trajanju od šest godina. Nakon okončanja funkcije guvernera CBBiH, prelazi u puni radni odnos na Ekonomski fakultet u Sarajevu na kojem je do tada više godina bio angažovan kao spoljnji suradnik. Tokom akademske karijere od 2016. do 2018.godine obnašao je funkciju dekana Ekonomskog fakulteta u Sarajevu.

Od 2005. godine održao je mnoga predavanja na raznim fakultetima i akademskim skupovima te izlagao niz radova na konferencijama u inostranstvu i zemlji. U ovom periodu objavio je niz tekstova o aktuelnim temama iz oblasti bankarstva i savremenim trendovima u ekonomiji BiH i regije, objavljenim u stručnim časopisima. Dobitnik je brojnih nagrada, među kojima su i priznanje za očuvanje stabilnosti monetarne politike i doprinos očuvanju stabilnosti bankarskog sektora u Bosni i Hercegovini. U izboru Večernjeg lista BiH proglašen je za ličnost godine za 2011.godinu u kategoriji „Biznis i finansije“. Odlukom Predsjedništva Bosne i Hercegovine, od 6. septembra 2018. godine imenovan je za izvanrednog i opunomoćenog ambasadora Bosne i Hercegovine u Republici Austriji.

2. NAUČNO-ISTRAŽIVAČKI RAD¹

Kandidat Kozarić dr Kemal aktivno se bavi i teorijskim istraživanjima što ilustrujemo autorskim/koautorskim doprinosom u izradi ukupno 3 knjige i više naučnih i stručnih radova čiji se spisak prilaže:

2.1. OBJAVLJENE KNJIGE

- 1. *Kreso, Sead, Kozarić, Kemal, Duraković, Selena i Žunić Dželihodžić, Emina (2021): MONETARNA POLITIKA – ZEMLJE ZAPADNOG BALKANA, Štamparija “Fojnica”, ISBN 978-9958-17-177-2***

Knjiga sadrži analizu teorijskih osnova monetarne politike općenito, kreditne politike banaka, te specifično, finansijskih sistema zemalja Zapadnog Balkana ponaosob uz poređenje njihovih monetarnih režima i monetarnih politika. Napisana je u obimu od 482 strane. Osim za potrebe studenata dodiplomskog i postdiplomskog studija ekonomskih fakulteta, ova knjiga može biti izvor veoma korisnih informacija i uvida u ekonomsku teoriju i praksu osobama koje su zaposlene u finansijskim sektorima zemalja Zapadnog Balkana.

- 2. *Kozarić, Kemal, Žunić Dželihodžić, Emina, Fabris, Nikola, Mahmuzić, Jasmin (2020): BANKARSKI MENADŽMENT, Štamparija “Fojnica”, ISBN: 978-9958-17-165-9***

Knjiga je napisana u obimu od 350 strana. Pored uvodne tematike iz bankarskog menadžmenta, u knjizi je poseban fokus dat na ključne bankarske rizike i načine kako se njima može upravljati. U tom kontekstu su prezentirane i analizirane i regulatorne norme s posebnim naglaskom na Bazelske sporazume. Nadalje, u knjizi su temeljito analizirani nekvalitetni krediti i uzroci njihovog nastanka kao i neizbježne posljedice koje oni donose, a što je od posebnog značaja ne samo za banke, već i za društveno – ekonomski prostor gdje se očituju. Poseban značaj u knjizi je dat upravljanju odnosima s klijentima i izgradnji korektno obostrane lojalnosti. Knjiga je namijenjena studentima

¹ „Boldirani“ su naslovi izdati nakon posljednjeg izbora u zvanje vanredni profesor u cijelom izvještaju. Ove reference su relevantne za vrednovanje prilikom izbora u zvanje prema članovima 96. i 102. Zakona o visokom obrazovanju („Službene novine Kantona Sarajevo“, br. 33/17), te su radi toga i kratko opisane (predstavljene) u predmetnom izvještaju.

dodiplomskog i postdiplomskog studija ekonomskih fakulteta, te stručnoj javnosti, posebno zaposlenima u bankarskim i drugim finansijskim institucijama.

2.1.2. Knjige prije izbora u zvanje vanredni profesor

1. *Kozarić, Kemal i Fabris, Nikola: Monetarno-kreditna politika, Sarajevo: Štamparija "Fojnica", 2012, 503 str., ISBN 978-9958-17-010-2*

Knjiga Monetarno-kreditna politika je namjenjena prvenstveno studentima, a i široj stručnoj javnosti zainteresovanoj za oblast monetarne politike i bankarstva. U ovoj knjizi je na jedinstven način spojena teorija i praksa budući da su autori sve teorijske probleme na slikovit način objasnili kroz veliki broj praktičnih primjera. Knjiga svojim sadržajem može biti od koristi studentima ekonomije, bankarsima kao i svim onim licima koje direktno tangiraju bankarski poslovi.

2.2. NAUČNI RADOVI U PUBLIKACIJAMA KOJE PRATE RELEVANTNE MEĐUNARODNE BAZE PODATAKA

Radovi nakon izbora u zvanje vanredni profesor:

1. **Vedina Cordalija, Edisa Trumić, Nermina Žiga Smajić, Amir Ljubović, Fahir Bečić, Kemal Kozarić, Emir Kurtović (2020): Financial aspects of rationalisation of consumptions of medicaments from essential list in Sarajevo canton, HealthMED, vol 14 no 1-2, 2020, dostupno na: https://healthmed.ba/wp-content/uploads/2020/09/healthmed_14_1-2_web.pdf**

U radu autori analiziraju finansijske aspekte racionalizacije upotrebe lijekova sa tzv. Esencijalne liste lijekova u Kantonu Sarajevo.

2. **Kemal Kozarić, Emina Žunić Dželihodžić (2020): Uticaj cijena nafte na zemlje izvoznice i uvoznice, Financing, UDK 622.323:338.5, DOI: 10.7251/FIN2002003K, vol 11 no1, 2020, dostupno na: https://financingscience.org/wp-content/uploads/2021/03/kk_220.pdf**

U radu autori analiziraju uticaj cijena nafte na ekonomske pokazatelje zemalja izvoznica i zemalja uvoznica nafte. S tim u vezi je prezentirano i porođenje efekata promjena u cijenama nafte između ovih skupina zemalja.

3. **Kemal Kozarić, Mirza Kršo, Emina Žunić Dželihodžić (2020): Foreign direct investments in western balkan countries – comparative analysis, Zbornik radova, Sarajevo Business and Economics Review – vol 38, 2020, dostupno na: http://www.efsa.unsa.ba/ef/sites/default/files/zbornik_38_2020.pdf; <https://www.cceol.com/search/journal-detail?id=313>**

U radu autori analiziraju kretanje direktnih stranih investicija u zemljama Zapadnog Balkana. Rezultati prezentirani u ovom radu ukazuju na postojanje sličnosti u kretanjima odabaranih pokazatelja analiziranih zemalja.

4. **Mirza Kršo, Kemal Kozarić (2019): Evaluacija okvira za analizu održivosti upravljanja javnim dugom BiH, Zbornik radova, Sarajevo Business and Economics Review, vol 37, 2019, dostupno na: http://www.efsa.unsa.ba/ef/sites/default/files/zbornik_37_2019.pdf**

U radu autori procjenjuju okvir za analizu održivosti upravljanja javnim dugom u Bosni i Hercegovini, sa preporukama za njegovo unaprjeđenje.

- 5. Kemal Kozarić, Emina Žunić Dželihodžić (2020): Analysis of interest rates and banking sector profitability, Ekonomске ideje i praksa, br 36, 2020, dostupno na: <http://www.ekof.bg.ac.rs/wp-content/uploads/2014/04/Ekonomske-ideje-i-praksa-36.pdf>**

U radu autori analiziraju uticaj kamatnih stopa na profitabilnost bankarskog sektora. Fokus rada je na zemljama Zapadnog Balkana sa prikazanom komparacijom uticaja.

- 6. Kemal Kozarić, Emina Žunić Dželihodžić (2020): Effects of macroeconomic environment on non-performing loans and financial stability: case of Bosnia and Herzegovina, Journal of Central Banking Theory and Practice, 2020, UDK: 336.71(497.16), DOI: 10.2478/jcbtp-2020-0011, dostupno na: https://www.cbcg.me/slike_i_fajlovi/fajlovi/journal/vol9/no2/jcbtp-2020-0011.pdf**

U radu autori analiziraju višestruke efekte makroekonomskog okruženja na nivo i kretanje nekvalitetnih kredita, kao i na finansijsku stabilnost. Rad se fokusira na analizu podataka iz makroekonomskog i bankarskog sektora Bosne i Hercegovine.

- 7. Kemal Kozarić, Emina Žunić Dželihodžić (2019): Relationship between non-performing loans and financial stability: evidence from Bosnia and Herzegovina banking sector, BH Ekonomski Forum vol 11 no 2, 2019, dostupno na: <https://www.ef.unze.ba/OJS/index.php/BHF/article/view/165/111>**

U radu autori analiziraju povezanost nekvalitetnih kredita i finansijske stabilnosti na primjeru bankarskog sektora Bosne i Hercegovine. Prezentirani su identifikovani uticaj i veze između ove dvije varijable u analiziranom bankarskom sektoru.

- 8. Kemal Kozarić, Emina Žunić Dželihodžić (2019): Impact of non-performing loans on the banking sector capital adequacy, with the prediction of their movements, Zbornik radova, Sarajevo Business and Economics Review, vol 37, 2019, dostupno na: http://www.efsa.unsa.ba/ef/sites/default/files/zbornik_37_2019.pdf**

U radu autori analiziraju uticaj nekvalitetnih kredita na kapitalizovanost bankarskog sektora Bosne i Hercegovine mjerene pokazateljem adekvatnosti kapitala (Capital Adequacy Ratio). Također su prikazane očekivane vrijednosti u kojima se očekuje da će se ove varijable kretati.

- 9. Kemal Kozarić, Emina Žunić Dželihodžić (2017): Cointegration Analysis of Non-performing Loans and Macroeconomic Conditions, Finance in Central and Southeastern Europe Editors, 89-102, 2017, DOI: 10.1007/978-3-319-64662-6_5, vidjeti na: https://ideas.repec.org/h/spr/conchp/978-3-319-64662-6_5.html**

U radu autori analiziraju kointegracijsku vezu između nekvalitetnih kredita i makroekonomskog okruženja. Pokazano je postojanje jake kointegracijske veze između analiziranih varijabli, kao i mogućnost smanjenja nekvalitetnih kredita u situaciji boljih makroekonomskih uslova.

2.3. NAUČNI RADOVI U ZBORNICIMA SA MEĐUNARODNIH KONFERENCIJA KOJE PRATE RELEVANTNE BAZE PODATAKA

1. **Selena Begović, Mirza Kršo, Kemal Kozarić (2019): The sustainability and desirability of a currency board arrangement with reflections on Bosnia and Herzegovina's currency, ICEI 2019 „(E)migrations and Competitiveness of South-Eastern European Countries“, 2018, vidjeti na:**
http://eprints.uklo.edu.mk/3713/1/Book_of_Abstracts_ICEI_2019.pdf

U radu autori analiziraju održivost aranžmana valutnog odbora i njegove efekte na Konvertibilnu marku kao valutu Bosne i Hercegovine.

U svim navedenim radovima dr. Kemal Kozarić je, kao autor ili koautor istraživao i obrađivao aktuelne teme, kako s teorijskog tako i s praktičnog aspekta. Svi radovi pripadaju oblasti Finansija i napisani su saglasno standardnoj metodologiji naučnoistraživačkog rada i pisanja akademskih tekstova.

U nastavku Komisija navodi i ostale naučne i stručne radove, publicirane prije izbora u zvanje vanredni profesor:

1. Kozarić, K. i Žunić, E. (2015). Uzroci i posljedice problematičnih kredita u bankarskom sektoru Bosne i Hercegovine. Časopis za ekonomske i socijalne studije, 5 (1), 127.
2. Hajdarević, K., Kozarić, K. i Hadžigrahić, J. (2012). Arhitektura i infrastruktura za upravljanje informacionom sigurnošću u centralnim bankama. Časopis za teoriju i praksu centralnog bankarstva, 2, 5-17.
3. Kozarić, K. i Žunić, E. (2014). Pokazatelji finansijske stabilnosti u bankarskom sektoru Bosne i Hercegovine. UTMS Journal of Economics, 5 (2), 159.
4. Kozarić K., Salihović A. (2010) Krizno komuniciranje u finansijskim institucijama, ISSN 1840-2593
5. Kozarić K. (2009) Utjecaj globalne finansijske krize na Bosnu i Hercegovinu, ISSN 1840-2593
6. Kozarić K. (2007) Cijena novca u Bosni i Hercegovini, ISSN 1840-259
7. Kozarić K. (2007) Modeli monetarne politike sa osvrtom na valutni odbor Bosne i Hercegovine, ISSN 1840-2593
8. Kozarić K. (2010) „Rad i aktivnosti bankarskih institucija u Bosni i Hercegovini“ u monografiji Banke u Tuzli 1985-2008, autor Eldar Arnautović, stranica 201, ISBN: 978-9958-9151-9-2
9. Kozarić K. (2008) glavni urednik i autor stranica teksta 21-85 Monetarne stabilnosti u funkciji finansijske stabilnosti, ISBN 978-9958-9523-1-9
10. Kozarić K. (2007) glavni urednik Monografije: Centralna banka Bosne i Hercegovine 1997-2007, ISBN 9958-95521-0

11. Hajdarević, K., Pattinson, C., Kozarić, K. i Hadžić, A. (2012). Infrastruktura za mjerenje sigurnosti informacija za KPI vizualizaciju. U MIPRO, 2012. Zbornik radova 35. međunarodne konvencije (str. 1543-1548). IEEE.
12. Kozarić K. (2011) „Krizna komunikacija u finansijskim institucijama“, Revicon zbornik radova sa 12 međunarodnih simpozija Brze reforme u funkciji održivog razvoja, stranica 567, ISSN 2232-8734
13. Kozarić K. (2010) „Izazovi ekonomske politike Bosne i Hercegovine“, Revicon zbornik radova sa simpozija Korporativno upravljanje, Put ka ekonomskom oporavku Bosne i Hercegovine, ID br. 200491380008, ISSN 2232-8734
14. Kozarić K. (2009) „Značaj finansijske stabilnosti za ekonomsko okruženje“, Revicon zbornik radova sa simpozija Korporativno upravljanje u Bosni i Hercegovini, strana 79, ID br. 200491380008, ISSN 2232-8734
15. Kozarić K. (2007) “Tržišna ekonomija nasuprot ekonomiji ovisnoj o bankarskom sektoru”, Revicon zbornik radova sa simpozija Reforme u Bosni i Hercegovini, put ka evropskim integracijama, stranica 17, ISSN 2232-8734
16. Kozarić K. (2006) „Uticaj stranih direktnih investicija na makroekonomsku stabilnost“, FINRAR i Udruženje računovođa i revizora Republike Srpske u Banji Vrućici

2.4. PROJEKTI

2.4.1. Istraživački projekti nakon izbora u zvanje vanredni profesor:

2.4.1.1. Internacionalni istraživački projekti

1. Čičić Muris, Peštek Almir, Kozarić Kemal, Kalajdžić – Arslanagić Maja, Turulja Lejla i Mioković Tea (2019): Platform for trans Academic cooperation in invoation, objavljeno u okviru projekta PACCINO finansiranog iz IPA Adriatic programa (2017-2019). Dostupno na: <http://www.adriaticinnovationmap.eu/project-description/>

Pacinno je platforma za saradnju koja povezuje u jedinstveni regionalni inovacijski sistem istraživače i akademske institucije, kreatore politike i inovativne kompanije iz osam zemalja koje pripadaju jadranskoj regiji (Albanija, Bosna i Hercegovina, Hrvatska, Grčka, Italija, Crna Gora, Srbija, Slovenija).

2. Peštek Almir, Kozarić Kemal, Mioković Tea (2017-2019): NETWORKLD – Networking in the First World War Multicultural Heritage in the Danube Countries finansiranog iz “Danube Interreg Transnational Program. Dostupno na: <http://www.interreg-danube.eu/approved-projects/networkld>

Projekat se bazira na istraživanju potencijala turizma u gradovima koji su bili sjecišta historijskih događaja tokom i nakon prvog svjetskog rata, kao i da li mogu i na koji način razviti turističku ponudu baziranu na takvim i sličnim događajima.

- 3. Kozarić Kemal, Kozarević Safet, Selena Begović (2018): Financing Investment and Growth in South-Eastern Europe: The Role of Banking, Insurance and Finance, Trieste Eastern Europe Investment Forum 2018, Trieste, 6 June 2018, dostupno na: <http://www.feabaf.it/trieste-eastern-europe-investment-forum/>**

Projekat se bavi istraživanjem zajedničkih karakteristika finansijskih tržišta unutar SEE regije, gdje konstantovano da je SEE regija bankocentrična, iako sa različitim modelima monetarne politike sve zemlje teže da zadrže monetarnu i finansijsku stabilnost u cjelini.

2.4.1.2. Domaći istraživački projekti

- 1. Kreso Sead, Kozarić Kemal, Lejla Lazović-Pita (2017): Analiza parafiskalnih nameta u BiH sa prijedlogom za njihovo smanjenje i ukidanje. Projekat finansiran od Price Water House Coopers, i podržan od DFID (UK).**

Projektni zadatak se odnosio na definisanje i razvijanje metodologije za klasifikaciju i grupisanje parafiskalnih nameta u BiH kao i analize efekata njihovog smanjenja i/ili ukidanja. Cilje projekta je bio povećanje efektivnosti i efikasnosti ubiranja poreskih prihoda i rada poreske administracije, sa fokusom na smanjenje i/ili eliminaciju određenih neporeskih prihoda (parafiskalnih dažbina) na nivou BiH.

- 2. Melika Husić Mehmedović, Emir Kurtović, Selma Kadić Maglajlić, Elvir Čizmić, Kemal Kozarić, Aziz Šunje, Lejla Sinanović (2016.): Obuka iz marketinga i preduzetništva za zavod za zapošljavanje iz Brčko distrikta. Projekat finansiran od vlade Brčko distrikta.**

Cilj projekta je bio obučiti i pripremiti nezaposlene osobe koje su prijavljene u zavod za zapošljavanje u Brčko distriktu za nova zaposlenja ili prekvalifikaciju.

- 3. Kemal Kozarić, Muamer Halilbašić, Sead Kreso, Lejla Lazović-Pita, Mirza Kršo (Mart, 2017): Analiza efekata primjene zakona o porezu na imovinu i zakona o porezu na promet nepokretnosti i prava u Kantonu Sarajevo sa aspekta njihovog uticaja na javne finansije, poslovno okruženje i životni standard, Član ekspertnog tima Ekonomskog instituta Sarajevo; Finansirala Vlada Kantona Sarajevo**

Cilj projekta je bio analizirati način distribucije prikupljenih poreza, izbjegavanje dvostrukog oporezivanja, te predložiti pravičniju redistribuciju poreskih prihoda za Kantonalni budžet.

- 4. Muamer Halilbašić, Kemal Kozarić, Sead Kreso, Mirza Kršo (Januar, 2018): Studija upravljanja dugom u Kantonu Sarajevo za period 2018-2020., Član ekspertnog tima Ekonomskog instituta Sarajevo; Finansirala Vlada Kantona Sarajevo**

Cilj projekta je bio izvršiti analizu opravdanosti izdavanja dužničkih vrijednosnih papira od strane Kantona Sarajevo, procijeniti utrživost vrijednosnih papira i procijeniti mogućnost Kantona Sarajevo da uredno servisira obaveze po ovom osnovu.

- 5. Kemal Kozarić, Jasmina Selimović, Almir Arnaut – Berilo, Jasmina Mangafić (Oktobar, 2017): Ekonomska analiza uticaja potencijalnih JPP projekata na privredu tri kantona u FBiH (Tuzlanski Kanton, Zeničko Dobojski Kanton i Srednjobosanski Kanton), Član ekspertnog tima Ekonomskog instituta Sarajevo; Finansirali: Vlada**

Tuzlanskog Kantona, Vlada Zeničko Dobojskog Kantona i Vlada Srednjbosanskog Kantona

Cilj projekta je bio afirmisati način ulaganja JPP-a i motivisati potencijalne investitore da je na ovaj način moguće uspješno investirati u velike projekte koji su u većinskom državnom vlasništvu.

3. ORGANIZACIJA KONGRESA I SKUPOVA

3.1. Organizacija međunarodnih kongresa i skupova

- 1. Implementacija EU standarda sigurnosti u finansijskom sektoru BiH i regije, Međugorje, 23.04.2016., član organizacionog odbora sa podnesenim referatom, Studio SWITCH, d.o.o. Sarajevo**
- 2. 7. Međunarodna konferencija islamskog bankarstva i finansija, Sarajevo, 31.10. - 01.11. 2016., član organizacionog odbora sa podnesenim referatom, Ekonomski fakultet u Sarajevu i BBI Bank Sarajevo**
- 3. Ekonomski forum Bosne i Hercegovine: “Programi vlada: reformski kurs ka poslovnom ambijentu”, Ekonomski fakultet u Sarajevu i EIS, Sarajevo, 09. 02. 2017., član organizacionog odbora sa podnesenim referatom**
- 4. Sarajevo Innovation Summit, Ekonomski fakultet u Sarajevu, Sarajevo, 7. maj 2017., član organizacionog odbora sa podnesenim referatom**
- 5. PRVA MEĐUNARODNA STATISTIČKA KONEFERNCIJA ICOS 2017, Ekonomski fakultet u Sarajevu i Federalna Agencija za statistiku, Sarajevo, 28.06. 2017., član organizacionog odbora sa podnesenim referatom**
- 6. Ekonomski forum Bosne i Hercegovine: “JPP u funkciji podrške infrastrukturnim projektima”, Ekonomski fakultet u Sarajevu i EIS, Sarajevo, 15. 02. 2018., član organizacionog odbora sa podnesenim referatom**
- 7. Ekonomski forum Bosne i Hercegovine: “Ekonomska saradnja između republike R. Austrije i BiH; izazovi i šanse”, Ekonomski fakultet u Sarajevu i EIS, Sarajevo, 25. 02. 2019., član organizacionog odbora sa podnesenim referatom**
- 8. EBRD 2019, Annual Meeting and Business Forum, EBRD i Vijeće ministara BiH, Sarajevo, 07.-09.05.2019., VIP učesnik**
- 9. “Vienna Future dialogue from planned to market Economy – 30 years after the fall of the Iron curtain”, VIENNA ECONOMIC FORUM, Beč, 17.11.2019., član Savjetodavnog odbora i učesnik**

3.2. Organizacija domaćih kongresa i skupova

- 1. 11. Simpozijum o korporativnom upravljanju: Ekonomije malih zemalja u uslovima pojačanih globalnih izazova, FINRAR, Teslić, 20.05.2016., učesnik sa podnesenim referatom**
- 2. 12. Spimpozijum: Barijere ekonomskog oporavka, FINRAR, Teslić, 11-12.05.2017., učesnik sa podnesenim referatom**
- 3. 13. Simpozijum o korporativnom upravljanju, Digitalna ekonomija pokretač budućeg rasta, FINRAR, Teslić, 16-18.05.2018., učesnik sa podnesenim referatom**
- 4. "Finansijski sistem BIH-infrastruktura i funkcionalnost", Okrugli sto, Kristalna prizma za 2015. godinu, Revicon, Sarajevo, 27.06.2016., učesnik sa podnesenim referatom**
- 5. 17. Simpozij: Agenda reformska za aplikaciju za prijem u članstvo EU, Revicon, Neum, 26-28.05. 2016., učesnik sa podnesenim referatom**
- 6. CEO Konferencija: Take Action Now, Ekonomski fakultet u Sarajevu, Sarajevo, 20.05.2017., član organizacionog odbora sa podnesenim referatom**
- 7. CEO Konferencija: The Next Generation, Ekonomski fakultet u Sarajevu, Sarajevo, 21.04.2018., član organizacionog odbora sa podnesenim referatom**

4. NASTAVNO-PEDAGOŠKI RAD I MEĐUNARODNA SARADNJA

Nakon što je doktorirao na Ekonomskom fakultetu u Sarajevu, a sa značajnim praktičnim iskustvom iz oblasti bankarstva i finansija kao i sa iskazanim velikim interesom za izučavanje ovih oblasti, izabran je za docenta na predmetu „Marketing finansijskih institucija“ u periodu 2010-2014. godine.

U zvanje vanrednog profesora izabran je 2014. godine na oblast „Finansije“. Tokom dosadašnjeg nastavno-pedagoškog rada bio je angažovan na predmetima: „Bankarski menadžment“, „Međunarodno bankarstvo“, „Upravljanje bankarskim rizicima“, „Menadžment komercijalnih banaka“ i „Komercijalno bankarstvo“. U periodu 2016.-2018. godine obavljao je dužnost Dekana Ekonomskog fakulteta u Sarajevu.

Dr. Kemal Kozarić je prezentirao dokaze o 2 mentorstava na doktorskim radovima i 50 na magistarskim radovima (prema izvještaju Službe Ekonomskog fakulteta u Sarajevu) koje je imao u toku prethodnog izbornog perioda.

U svom dosadašnjem nastavno-pedagoškom radu prof. dr Kemal Kozarić je iskazao zavidno pedagoško iskustvo i ostvario veoma zapažene rezultate u komunikaciji sa studentima. Posebno je potrebno istaći činjenicu da prof. Kozarić permanentno inovira i unapređuje izvođenje nastave na predmetima za koje je zadužen.

Komisija ocjenjuje rad kandidata u nastavnom procesu visoko profesionalnim i predanim potrebama studenata, a naročito ističe bogatu i respektabilnu međunarodnu saradnju koju je kandidat ostvario u dosadašnjem stručnom i naučno-istraživačkom radu.

MIŠLJENJE I PRIJEDLOG KOMISIJE

Nakon što smo pažljivo proučili materijale iz prijave na Konkurs kandidata prof. dr Kemala Kozarića u aktuelnom zvanju vanredni profesor, nastavno-naučni i pedagoški rad kandidata, te relevantne činjenice na osnovu kojih se može vršiti izbor u nastavna zvanja na oblast Finansije, Komisija konstatuje da je:

- a) **Kandidat dr Kemal Kozarić** uz prijavu priložio sve potrebne dokumente iz kojih je nedvojbeno da **ima sve uslove za izbor u zvanje redovni profesor** u skladu sa uslovima utvrđenim Konkursom od 01.04.2021. godine.
- b) Na osnovu uvida u dostavljene dokumente kandidata dr. Kemala Kozarića, Komisija je konstatovala da **kandidat ispunjava sve uslove za izbor u zvanje redovni profesor na oblast „Finansije“**.

Komisija konstatuje da je kandidat dr Kemal Kozarić, koji je aplicirao za izbor u zvanje Redovni profesor, u svom dosadašnjem obrazovnom procesu bio fokusiran na užu naučnu oblast na kojoj se vrši izbor u nastavničko zvanje. Pored naučnih i stručnih kvalifikacija kandidata Komisija ističe njegov dugogodišnji nastavno-pedagoški rad na Ekonomskom fakultetu Univerziteta u Sarajevu, kojeg ocjenjujemo visoko profesionalnim, odgovornim, posvećenim potrebama studenata. Komisija prepoznaje visoka dostignuća prof. dr Kemala Kozarića na području obrazovnog, pedagoškog, naučno-istraživačkog i javnog rada u Bosni i Hercegovini, kao i na međunarodnom planu, o čemu u ovom izvještaju izriče svoje nepodijeljeno stanovište.

Na osnovu prethodno izloženih relevantnih činjenica koje se odnose na rezultate postignute u nastavnom, pedagoškom, naučnom, istraživačkom i javnom radu, Komisija konstatuje i jedinstvena je u mišljenju da **kandidat dr Kemal Kozarić ispunjava sve uslove predviđene Zakonom o visokom obrazovanju Kantona Sarajevo i Statuta Univerziteta u Sarajevu za izbor u zvanje redovni profesor na oblast „Finansije“, u punom radnom vremenu.**

Na osnovu naprijed iznesenog, Komisija je saglasna u ocjeni da kandidat

Kozarić dr Kemal

u dosadašnjem zvanju vanredni profesor, ima sve stručne kvalifikacije, kao i naučno-istraživačke i pedagoške kvalitete i odgovarajuće reference na osnovu kojih ispunjava zakonske uslove i kriterije za izbor u zvanje

***redovni profesor
na oblast FINANSIJE***

te predlaže Vijeću Ekonomskog fakulteta Univerziteta u Sarajevu izbor Kozarić dr Kemala u predloženo zvanje sa punim radnim vremenom.

ČLANOVI KOMISIJE

**Kreso dr Sead, redovni profesor, oblast Finansije
Ekonomski fakultet Univerziteta u Sarajevu** _____

**Šain dr Željko, redovni profesor, oblast Finansije
Ekonomski fakultet Univerziteta u Sarajevu** _____

**Šoškić dr Dejan, redovni profesor, oblast Finansije
Ekonomski fakultet Univerziteta u Beogradu** _____